

續修四庫全書

《續修四庫全書》編纂委員會編

# 續修四庫全書

上海古籍出版社

一二七八・子部・宗教類

大方廣佛華嚴經探玄記十卷（卷八至卷十）

〔唐〕釋法藏撰

.....  
—

21431/08

大方廣佛華嚴經探玄記卷八 經卷三十三之二至卷四十三之津本卷八十五至卷九十七

唐魏國西寺沙門法藏述

寶王如來性起品第三十二

寶王如來性起品第三十二。初釋名者。寶王是摩尼寶珠。最可珍貴。故名寶也。以能出寶自在故。寶中最勝故。衆寶所依故。故名王也。喻性起法。亦具三義。謂出智義。最勝義。所依義。佛性論如來藏品云。從自性住。來至 顯至下麗智 得果。故名如來。不改名性。顯用稱起。即如來之性起。又真理名如名性。顯用名起。名來。即如來爲性起。此等從人 顯人下麗智有法字 及法。用題品目。又別翻一本。名如來祕密藏經。又一本名如來興顯經。又此下文具有十名。並可知。

二來意者。前品明能發之因。今辨所顯之果。故次來也。

三宗趣者。明性起法門。即以爲宗。分別此義。略作十門。一分相門。二依持門。三融攝門。四性德門。五定義門。六染淨門。 顯門。麗智無。因門。麗智無。 七因果門。 顯門。麗智無。 八通局。九分齊。十建立。初分相者。性有三種。謂理。行。果。起亦有三。初謂理待 顯初謂理待。麗智作謂理性得。 了因顯現名起。二行性由待聞熏資發生果名起。三果性起者。謂此果性更無別體。即彼理行兼具修生。至果位時。合爲果性。應機化用。名之爲起。是故三位各性各起。故云性起。今此文中正辨後一。兼辨前二也。二依持門者。一行證理成。則以理爲性。行成爲起。此約菩薩位。以凡位有性而無起故。二證圓成果。則理行爲性。果成爲起。此約佛自德。三理行圓成之果爲性。赴感應機之用爲起。是則理行徹至。果 顯果。谷續津作業。 用故起。唯性起也。三融攝門者。既行依理起。則行虛性實。虛盡實現。起唯性

華嚴經探玄記卷八 寶王如來性起品第三十二 一釋名 二來意 三宗趣 分相 依持 融攝 一



文藥樹王生芽時。一切樹同生等。若從此義。初發菩提心已去。皆性起攝。唯除凡小。以二處不生芽故。若據爲緣。令彼生善。亦性起攝。如日照生盲等。八通局門者。問。此性起。唯據佛果。何故下文菩薩自知身中有性起。菩提一切衆生心中亦爾。答。若三乘教。衆生心中但有因性。無果用相。此圓教中。盧舍那果法。該衆生界。是故衆生身中亦有果相。若不爾者。則但是性而無起義。非此品說。文意不爾。以明性起。唯果法故。但以果中具三世間。是故衆生亦此所攝。問。既局佛果。何故下文通一切法。答。若三乘教。眞如之性。通情非情。開覺佛性。唯局有情。故涅槃云。非佛性者。謂草木等。若圓教中。佛性及性起。皆通依正。如下文辨。是故成佛具三世間。國土身等皆是佛身。是故局唯佛果。通徧非情。九分齊門者。既此眞性融徧一切。故彼所起亦具一切。分圓無際。是故分處皆悉圓滿。無不皆具無盡法界。是故徧一切時。一切處。一切法等。如因陀羅網。無不具足。十建立門者。問。法門無涯。何故下文唯辨十種。答。顯無盡故。何等爲十。一總辨多緣以成正覺。二正覺身。三語業。四智。五境。六行。七菩提。八轉法輪。九入涅槃。十見聞恭敬供養得益。此十略收佛果業用。故不增減。此十義通前九位皆具準之。餘義下文當現。

四釋文者。此品長分爲七。一加分。二本分。三請分。四說分。五顯名受持分。六表瑞證成分。七偈頌總攝分。就初分中有二。先毫光加請主。二口光加說主。前中亦二。初光加。後加益。

爾時如來眉間白毫相中。放大光明。名曰明如來法。無量億那由他阿僧祇光。以爲眷屬。普照十方一切世界。圍繞十帀。顯現如來無量自在覺悟無數億那由他諸菩薩衆。一切世界六種震動。除滅一切諸惡道苦。映蔽一切諸魔光明。猶若聚墨。顯現一切如來菩提。顯現一切諸佛大衆究竟莊嚴。普照法界虛空界等。一

華嚴經探玄記卷八 寶王如來性起品 三宗趣因果通局分齊建立四釋文加分毫光加請主光加 三

華嚴經探玄記卷八 寶王如來性起品 加分 加益 大衆益 妙德益 身儀祖跪 意無異念 語偈讚請 四  
切世界復還圍繞一切菩薩諸大衆已入如來性起妙德菩薩頂。

前中有十初明出處。眉間者。表證道離二邊故。白毫者。表性起是諸教之本故。二顯光名。明如來法者。欲表說佛性起法故。三因業。四舒業。五敬業。六覺業。七止業。八降伏業。九示現業。十卷業。入妙德頂者。正明加相。何故加此菩薩者。如名表說性起法故。入頂是加持之相故。

△二爾時下辨加益於中二。

爾時一切大衆心大歡喜。身意柔軟。作如是念。甚奇希有。如來今者放大光網。必當演說甚深正法。

先大衆益。初心喜等。成法器益。二念法益。

爾時如來性起妙德菩薩於蓮華座起。偏袒右肩。以國以宋元明右膝著蓮華臺上。一心合掌。正向如來。以偈頌曰。

二妙德益中。以光入頂。三業改儀。以成請相。初身儀袒跪。二意國意谷續無異念。三語偈讚請。讚請中十偈分六。

正覺一切法 究竟諸境界 三世大仙等 是故恭敬禮

初一歎佛申禮。

究竟無相境 相好莊嚴身 普放離垢光 除滅一切魔 震動十方界 一切諸佛刹  
衆生不恐怖 是佛威神力 安住如虛空 清淨法界等 除滅一切惡 令衆得清淨  
無量劫苦行 一心求佛道 得無礙境智 與諸如來等 普放無量光 震動一切刹國心宮作切

顯現自在力 來入我身中

二有五頌。歎佛放光。

善學諸菩薩 皆悉來集會 是故我發心 應有法王事

三有一頌。歎前光益。

大眾皆清淨 究竟菩薩行 智慧無染著 成就無所畏

四有一頌。歎衆有堪聞之德。

大仙行無量 智慧力精進 開發菩薩心 如來甚深法

五有一頌。歎佛有開示之德。

正覺微妙義 誰能演說者 我今欲請問 願佛爲顯示

六末後一頌。請佛示說主。何故不請佛。乃求餘說主。以光入身時。已令知覺。非佛自說。又同上多例。知非佛說。故別求說主也。

△二口光加說主中。前既請示。故今示之。亦二。先加後益。

說是偈已。時如來口中放大光明。名無礙無畏。無量億那由他阿僧祇光。以爲眷屬。普照十方一切世界。圍繞十由旬。顯現如來無量自在。覺悟無數億那由他諸菩薩衆。一切世界六種震動。除滅一切諸惡道苦。映蔽一切諸魔光明。猶若聚墨。顯現一切如來菩提。顯現一切諸佛大眾究竟莊嚴。普照法界虛空界等一切世界。復還圍繞一切菩薩諸大眾已。入普賢菩薩摩訶薩口。

華嚴經探玄記卷八 寶王如來性起品第三十二 加分 毫光加請主 語偈讚請 口光加說主 加 五

華嚴經探玄記卷八 寶王如來性起品第三十二 加分 口光加說主 加益 本分 請分

六

加中亦十。初明出處。口放光者。表教道傳通也。二光名無礙者。表辯才無礙故。言教自在故。無畏者。不懼理深故。處衆無畏故。餘義同前。入普賢口者。令說如佛說故。又是口傳故。又若出口入耳。爲令聞也。今出口入口。爲令說也。何故唯加普賢。表此所說是普法故。等是加相。何不入頂。以兼教故。又涅槃經中。佛自口放光還入自口。表收滅故。彼經云。如來光明出已還入。非無因緣。必於十方所作已辦。將是最後涅槃之相。與此別也。

爾時普賢菩薩摩訶薩身及師子座。殊勝百倍諸菩薩身及師子座。唯除如來所處之座。

二爾時下。明加益中。過百倍超過同類。以表法勝。恐濫同佛。故對簡之。加分竟。

△第二本分中二。

爾時如來性起妙德菩薩問普賢菩薩摩訶薩言。佛子。佛所顯現大威神力。不可思議。是何瑞相。先問。

爾時普賢菩薩摩訶薩答如來性起妙德菩薩言。佛子。如我惟忖。如我所見過去如來應供等正覺放大光明。必說如來性起正法。是故今佛放大光明。顯自在力。必說如來性起正法。時如來性起妙德菩薩聞如來性起正法名已。一切大地六種震動。出生無量論難光明。

二爾時普賢下。答中三。先引古事。二類今答。三聞名益。初動地者。明本分題。國題。屬智作提。名。表此大法將興之感。出論難光者。明此妙德聞名發生請問之覺。故能請問十門性起。若不爾者。知何所請。

△第三請分中亦二。謂長行與頌。長行中三。先舉法請。二歎衆請。三歎說。國說。下谷續請。津有主字。

爾時如來性起妙德菩薩問普賢菩薩摩訶薩言。佛子。云何菩薩摩訶薩知如來應供等正覺性起正法。注云。案此即舉法請。

佛子。無數億那由他菩薩摩訶薩清淨衆會。善學修行清淨諸業。念慧成就諸佛莊嚴。究竟彼岸。住佛威儀。具如來行。正念諸佛。未曾散亂。大悲觀察一切衆生。決定智慧。分別菩薩諸妙神通。通。得佛神力。安住一切諸佛功德。成就如是無量功德諸大菩薩皆來集會。

就歎衆中三。初標衆大。二善學下。歎德具。三成就如是下。結衆集。就歎德中。略歎十德。一淨戒業。二念慧成。三滿二嚴。四住佛儀。五具佛行。六正念下。大定德。七大悲德。八決定下。大智德。九勝通德。十住果德。三結可知。

仁者曾於無量億那由他佛所恭敬供養。種諸善根。成就菩薩無上妙行。諸三昧門皆得自在。深入一切如來祕密。於諸佛法。除衆疑惑。深入佛法。善知一切衆生諸根。隨衆生性而爲說法。隨順佛智。分別演說一切佛法。究竟彼岸。成就如是等無量功德。善哉。佛子。願願。及唐譯應從麗宮聖津刪。說如來性起正法。

三仁者下。歎說者有堪說德。亦顯十德。一植智。願。及唐譯應從麗宮聖津刪。多善。二成妙行。三定自在。四證深密。五善除疑。六達教法。七善知根。八隨器說。九順佛智。十結無盡。善哉下。結請。善哉有三種。一法要妙。二衆堪聞。三仁堪說。故云願說也。

爾時如來性起妙德菩薩欲重明此義。向普賢菩薩以偈頌曰。

二偈請中有十九頌。分三。初一頌半標歎說聽。二正請十門性起。三清淨眞下。歎德勸說。

華嚴經探玄記卷八 寶王如來性起品第三十二 請分 長行 舉法請 歎衆請 歎說請 偈頌

七

華藏經探玄記卷八 寶王如來性起品第三十二 請分 偈頌 標歎說聽 正請十門性起 歎德勸說 八

善哉無礙智 覺悟一切法 具足平等慧 說佛無量境 諸佛子聞已 心皆大歡喜國津注云。案此一頌半標歎說聽。

願時爲敷演 如來性起法 何等如來身 清淨妙音聲 云何如來心 及無量境界

何等如來行 及諸佛菩提國津注云。此二句有修習何等法。速成等正覺。二句與記中有本同。宋元明清宮磧置此二句於何等如來行句之上。聖語藏無與記釋及唐譯合。

云何轉法輪 清淨妙勝法 願爲分別說 善逝涅槃法 佛子等聞已 歡喜心無量

十方衆生類 皆見諸法王 恭敬供養佛 於彼種善根 若有見諸佛 恭敬種善根

功德藏無量 願爲分別說 若有聞一切 如來之名號 十方現在佛 及已般涅槃

無盡功德藏 聞名歡喜者 彼得何等利 哀愍分別說

就正請中。初二句請初總門。二次句別請身業。三次句語業。四次句意業。五次句所知境。六次句所行行。

七次句示所得果。有本此中更有二句。謂修習等。八次二句所轉法輪。九次二句所入涅槃。十佛子下。四

頌半。請第十見聞敬養益。並如下答中廣釋。

清淨眞佛子 願爲廣敷演 分別深境界 無量功德海 一切諸菩薩 皆一心合掌

恭敬觀善逝 瞻仁兼及我 巧語微妙音 願說眞實義 除滅諸疑惑 清淨如虛空國觀宮作觀。宮

因緣及譬喻 爲我分別說 無量衆聞已 皆發菩提心 一切諸如來 相好莊嚴身國觀宮作觀。觀。明

充滿十方國 方便度衆生 出微妙音聲 演說無量法 因喻隨應化 示悟佛菩提

十方一切界 無量佛剎中 不可稱說劫 是會甚難見 如此大衆集 清淨諸佛子

無量億劫中 難見亦難聞 是故眞佛子 願說微妙義 顯現廣無量 如來性起法

一切諸菩薩 皆一心合掌 渴仰於大乘 願雨甘露法

三清淨下。歎德勸說中有六。初一請普賢說深廣境。二次一歎衆樂聞德。三次二勸以巧言因喻說。四次二重舉三業以請說。五次二歎衆會希有以勸說。六次二結請顯衆樂。

△第四說分中答前十問。卽爲十段。一一各二。長行與頌。十中初答性起正法者。是總相故。身智有業字等九種是別相故。皆是性起。同異成壞。皆準可知。又釋。此初是所依之法。餘九是能依之德。依法成德。同名性起。又此十門。皆約緣顯性。性從緣現。故名性起。亦有諸德將此十中初一爲因。後九爲果。文相非順。就初長行中三。先約法略說。二就喻廣陳。三據法通結。此三各有十門。於中初之十門。有將配十地。一一別釋。恐不順文。有將此十於下廣說。一一別配。文亦不順。今釋此略。一一皆通十廣釋中。下十結文亦一一通結十廣釋。是故此中因緣數總有四種。因種續津作重。一云十種者。據初略也。二云百者。約初略十入廣十中。一一具十。故有百門。三云千者。就後十結。一一結百。故有千門。四無量阿僧祇等者。彼廣等中。一一各有多門。如四智風輪十光明等。又亦通攝身等九中諸因緣。故無量等也。釋文中二。初告衆。二顯釋。

爾時普賢菩薩摩訶薩。告如來性起妙德菩薩等。諸大衆言。此初告衆案  
△顯釋中二。初總歎甚廣。故云不思。二所以下釋成。  
佛子。如來應供等正覺性起正法。不可思議。

初總釋有二義。一以因緣廣多無量。名爲不思。故下云非少因緣等。二甚深微妙名爲不思。故下云無有作者。亦無成者等。此二並非下位測量。故云不思也。因津注云。案此下疑脫二字。釋成中亦二先徵釋九字。

華嚴經探玄記卷八 寶王如來性起品第三十二 說分 答總門性起正法 長行 告衆 顯釋 總歎甚廣 九

華嚴經探玄記卷八 寶王如來性起品第三十二 釋成 喻說 大千興造喻

一〇

所以者何。非少因緣。成等正覺。出興於世。佛子。以十種無量無數百千阿僧祇因緣。成等正覺。出興於世。何等爲十。一者發無量菩提之因之宋元明心。不捨一切衆生。二者過去無數劫修諸善根。正直深心。三者無量慈悲救護衆生。四者行無量行。不退大願。五者積無量功德。心無厭足。六者恭敬供養無量諸佛。教化衆生。七者出生無量方便智慧。八者成就無量諸功德藏。九者具足無量莊嚴智慧。十者分別演說無量諸法實義。佛子。如是等十種無量無數百千阿僧祇法門。成等正覺。出興因興宋元明清於世。

二以十種下。正顯。於中有標。釋。釋中初一是行本。由此大心。長劫熏習。不捨衆生。是故於今現成正覺。二久修衆善。正直深心。引此善根。現成正覺。三以慈悲救生。無限盡故。現成正覺。四積行廣多。大願無竭。盡於未來。現成正覺。五雖積德成滿。而度生增善。情無厭足。故現成因成屬正覺。如與盲比丘貫鍼等。六二利德圓。是以成佛。七巧智多端。應機出現。故成正覺。八福藏圓。九智嚴具。是故出現正覺。不可窮盡。十若不成佛。無由宣說無盡法義。故現正覺。此十皆是果成之處。說彼因緣。但是爲生現佛之因。不取自德。又亦卽以爲生現佛爲其自德。更無別自。是故攝因無不皆盡。如是因緣。既無自性。無自性理爲本起用。故名性起。結文可知。

△第二就喻說中亦十。一一中皆二。先喻。次合。後結。前請中言因緣及譬喻。爲我分別說。前十辨因緣。此下明譬喻。亦有因緣義。

佛子。譬如三千大千世界。非少因緣成。以無量因緣乃能得成。所謂興大雲雨。因大雨故。起四風輪。何等爲四。一名曰持。能持大水。二名漸消。漸消大水。三名曰起。起諸處所。四名莊嚴。莊嚴三千大千世界衆生業報。

如是四種。皆衆生業報及諸菩薩善根所起。佛子。如是等無量因緣。乃成三千大千世界。法如是故。無有作者。亦無成者。如來應供等正覺。亦復如是。非少因緣成。以無量因緣成等正覺。出興於世。所謂菩薩摩訶薩。曾於過去無量佛所。聞受正法甘露大雨。因是能起如來四種智慧風輪。何等爲四。一者正念持陀羅尼。未曾忘失。如來大智風輪。能持如來一切法雨。二者止宋元明清聖續作正。唐譯應從麗宮津作止。觀如來大智風輪。悉能消滅一切煩惱。三者善善有能字。迴向如來大智風輪。成就一切功德善根。四者出生離垢諸莊嚴法。如來大智風輪。皆令衆生諸根清淨。相好莊嚴。如來無漏善根所成。法如是故。無有作者。亦無成者。佛子。是爲第一最勝法門。成等正覺。出興於世。菩薩摩訶薩應如是知。

初是大千興造喻。喻佛衆緣共起性起德。於中喻內。初總舉多緣。二別辨雲雨。三因雨起風。一名能持者。衆生業力於空劫處。世界將成。於上空中先起雲雨。若無風持。雨水無停。壞餘世界。是故業力起初風輪。水若不滅。無由得起諸天宮殿。是故業力起次風輪。雖能消水。處起無由。是故業力起第三風。滅一節水。起一天宮。如是漸下。至成須彌山及大地等。雖起總處。不能辨彼別類莊嚴。故彼業力起第四風。令此世界方得圓滿。此器世間先成。衆生世間後成。廣如俱舍論辨耳。四結業因中。言菩薩善根者。同受用故。地前菩薩生穢土故。五結多緣。此四爲首。理實無量。故云如是等無量續無量。谷也。六法如是故下。明緣起法爾。各各。智作水。無自性。無有作者。明能作體空。亦無成者。明所作性空。二法合中。於上六句略無第五。餘次第合。此中四智。有人將配聞思修證。文相不順。今釋四中。一總持納智作細。法智。次二依法起行智。一滅惑。二成德。後一依因得果智。前三旣因。何故皆言如來智耶。釋。以在果位說彼往因。故云曾於過去等。

華嚴經探玄記卷八 寶王如來性起品 答總門性起正法 洪澍大千喻 大雨無從喻 大雨難知喻 一二

也。果中但取攝化之果。故云令衆生等也。四如來無漏下結。餘並可知。

復次佛子。譬如三千大千世界成時。大雲降雨。名曰洪澍。一切世界不能容持。除大千世界初始成時。如來應供等正覺。亦復如是。出興於世。演說如來性起法雨。一切聲聞緣覺。不能受持。除成就諸力菩薩摩訶薩。佛子。是爲第二因緣成等正覺出興於世。菩薩摩訶薩應如是知。

第二洪澍大千喻。此卽是前風所持雨。以喻佛深廣難知德。謂得無盡陀羅尼力。名成就諸力。若約一乘。十信已去菩薩是也。若約約約三乘。八地已上能受此法。問。此門但顯法之難知。何成因緣。答。以彼大水是衆生業感。令成世界。彼大菩薩機所感故。如來興世。說此法雨。故是因緣。

復次佛子。譬如衆生業報。大雲降雨。無所從來。去無所至。如來應供等正覺。亦復如是。以諸菩薩善根力故。演說如來性起法雨。無所從來。去無所至。佛子。是爲第三因緣成等正覺出興於世。菩薩摩訶薩應如是知。

第三大雨無從喻。此亦是前所說大雨。衆生業力。從雲所澍。本無停佇。後消滅時。亦無去處。況性起賴緣。無來去德。謂於佛無從。入機無去。由此佛興。故是因緣。

復次佛子。譬如大雲降雨。大千世界一切衆生。無能知數。若欲算計。令心狂亂。除大千世界主摩醯首羅天王。乃至一滴無不知者。以本善根果報力故。如來應供等正覺。亦復如是。出興於世。說如來性起甘露法雨。一切衆生聲聞緣覺所不能知。若欲思量。令心狂亂。除一切世界主菩薩摩訶薩。乃至一句一味。悉分別知。於過去佛所。修力地力聖地力。故佛子。是爲第四因緣成等正覺出興於世。菩薩摩訶薩應如是知。

第四大雨難知喻。亦名摩醯知滴喻。此亦是前劫初大雨。況佛性起大機堪受德。謂已具修十地行力。是

故器大方堪受此。古人釋云。以性起有四。一教廣。二行大。三因深。四果遠。是故二乘不能知也。

復次佛子。譬如大雲降雨。名滅熾然。或名能起。或名能壞。或名成寶。或名分別大千世界。如來應供等正覺亦復如是。出興於世。雨正法雨。名曰除滅。除滅衆生煩惱盛火。或有法雨名曰能起。能起衆生一切善根。或有法雨名曰能壞。能壞衆生諸惡邪見。或有法雨名曰成寶。能成衆生一切智寶。或有法雨名曰分別。分別衆生心心所行。佛子。是爲第五因緣成等正覺出興於世。菩薩摩訶薩應如是知。

第五大雨成敗喻。況佛滅惑成智德。各有五種。初能滅熾熾。二能起處所。三能壞大水。四能成海中一切諸寶。五能莊嚴分別大千界處。法中初二滅障成福。次二滅障成智。後一以法照機。可知。

復次佛子。譬如大雲。雨一味水。隨其所雨而有差別。如來應供等正覺亦復如是。雨於大悲一味法雨。隨所應化。種種不同。佛子。是爲第六因緣成等正覺出興於世。菩薩摩訶薩應如是知。

第六一雨隨別喻。況佛一味隨器德。可知。

復次佛子。譬如三千大千世界。初始成時。先成色界諸天宮殿。次成欲界諸天宮殿。次成人處及餘衆生諸所住處。如來應供等正覺亦復如是。出興於世。先起菩薩諸行智慧。次起緣覺聲聞及餘衆生一切善根。佛子。譬如大雲。雨一味水。隨諸衆生善根力故。起種種宮殿。如來大悲一味法水。隨衆生器根不同故。法雨差別。佛子。是爲第七因緣成等正覺出興於世。菩薩摩訶薩應如是知。

第七有二喻。初先成色界喻。況佛勝緣先濟德。下一喻釋疑。謂二。先成由業力。二續津無。法異由機別故也。

華嚴經探玄記卷八 寶王如來性起品第三十二 答總門性起正法 蓮華表佛喻 風輪起處喻

一四

復次佛子。譬如世界初始成時。有大水輪。徧滿三千大千世界。滿世界已。生大蓮華。名如來性。性起。諸功德寶以爲莊嚴。徧覆三千大千世界。光照十方一切國土。時摩醯首羅淨居天等見蓮華已。卽決定知如蓮華數。宮聖作數。與記釋及唐譯合。諸佛清淨有出字。興世佛子。爾時有風輪起。名淨光明。能成色界諸天宮殿。又風輪起。名淨莊嚴。能成欲界諸天宮殿。又風輪起。名不可壞。能成大小圍山及金剛山。又風輪起。名曰勝高。能成須彌山王。又風輪起。名曰不動。能成十種大山。何等爲十。所。謂芭蕉山。仙人山。伏魔山。大伏魔山。魔山。持劫山。黑山。日真鄰陀山。摩訶日真鄰陀山。香山。雪山。又風輪起。名曰安住。能成大

地。又風輪起。名曰莊嚴。能成地天宮殿。乾闥婆宮殿。又風輪起。名無盡藏。能成三千大千世界海。又風輪起。名明淨藏。能成大千世界珍寶。又風輪起。名堅固根。能成一切如意樹。佛子。是爲大雲雨一味水。以衆生善根果報力故。法如是故。起種種風輪。風輪差別。故大千世界形類不同。如來應供等正覺亦復如是。出興於世。具諸善根。有光明。名無上大智。不斷如來性起不思議智。普照十方世界。授一切菩薩如來記號。成等正覺。出興於世。又能善知一一佛所。有幾菩薩成就功德。復有光明。名離垢淨。如來大智。能成如來無漏無生智。復有光明。名曰普照。如來大智。能成如來不可思議法界智。復有光明。名持佛性。如來大智。能成如來不動諸力。復有光明。名無壞最勝。如來大智。能成如來無所。清淨作然。畏智。復有光明。名一切明。如來大智。能成如來堅固不退一切種智。復有光明。名出生變化。如來大智。能令見聞恭敬供養諸如來者。善根不虛。復有光明。名普隨順。至如來大智。能成如來無盡功德智慧清淨法身。饒益衆生。復有光明。名不可究竟。如來大智。能成如來甚深妙智。不斷三寶。復有光明。名種種莊嚴。如來大智。能成如來相好嚴身。令一切